

Бисмиллагъи ррягъмани ррягъим!



АССАЛАМ

www.assalam.ru

НА ТАБАСАРАНСКОМ ЯЗЫКЕ

МУСУРМНАРИН ГАЗАТ

№2 (63) февраль 2009-ну йис. / Сафар 1429 / Табасаран чӀалниинди вазлик саб ражну угубчӀвурну. Къимат 15 манат

ПРЕСС-КОНФЕРЕНЦИЯ

Гъяждин натижйирикани гъапну



Январин 20 - пи йигъан Мягъячгъалайиъ гъяждин натижйирихъди аьлакьалу вуйи конференция кӀули гъубшну.

Гъадушваз Дагъустан Республикайин муфтийин гъяждин месӀйиригъ лигъру заместитель Аьгъмад-гъяжи Мягъямедовдиз, «Баракат», «Кавказ», «Аьрафат» кӀуру идарйирин кӀулин директорар вуйи Аьбдурягъман Гъяжиевдиз, Мягъямед Мягъямедовдиз, Къурбандибир Уьмаравьсгъабовдиз, РД – йин Гъюкуматдин диндин месӀйиригъ лигъру комитетдин председателин сарпи заместитель Бегмурза Бегмурзаевдиз, «Аьрафат» кӀуру идарйин жавабдар гъуллугъчи Мугъяммад-гъяжи Мачилаевдиз, гъяждин вахтна РД-йин терефнаан Сауд Аьравия-йиз гъаьнайи кӀулин духтир Муртазали Мягъямедовдиз теклиф дапӀнайи.
Гъаму йисан Дагъустандиан 18 агъзур кас гъяждиз гъушну, гъадрарикан 8300 кас Урусатдин Федерацияйин Гъюкуматдин багахъ хъайи гъяждин месӀйиригъ лигъру Советди Дагъустандин диндин идарайиз жара гъапну квотайиинди гъаьнайидар вуйи. ▶▶ 5

Ас-Салам-фото

АССАЛАМ – УЧВУЗ ИСЛЯГЪВАЛ ИБШРИ!

Исламдин гъуллугънаъ ади 15 йис

Ассалам – учвуз ислягъвал ибшри! Хиларигъ «Ассалам» газат гъяйи гъарсар касдиз ислягъвал ва ужувлан ляхнар ккун аплурача.



Ас-Салам-фото

Гъижрайинди 1430- пи йис улубкъну. Гъацци вуйивали ухъуз цийикӀултӀан кӀваин аплура, фицики гъарсад йигъан ухъу Аллагъу Тааьлайиз хайирлу ляхнар дапӀну ккунду, фицики Дугъу ухъуз ккудудукӀуру ужувлар ва рягъятвалар туврайивализ лигъну. Ухъу, гъелбетда, ихъ гунгъарин аьфв аплуб, жвуван багахълуйиригъ кюмек тувуб, ухъуз ухъу Халкъ гъапӀури улупу гъякьлу рякьъеди гъягъюз дугъкан ккун аплуб лазим ву. ▶▶ 7

ФЕСТИВАЛИН КӀУЛИН ПРИЗ ТУВНУ

«Инсан ва дяви»

Аьбдулла Аьлишаевди агъзур гъапӀу «Аьдати вагъабизм» кӀуру фильмииз документалин киноин Вариурасатдин Къюбпи фестивалин кӀулин приз тувну.

Декабрин 14-пи йигъан Екатеринбург шагъриъ документалин киноин Вариурасатдин Къюбпи фестивалин ляхин ккудубкӀну. Дидиз «Инсан ва дяви» кӀуру ччвур тувнайи.

Тамашачйирин ва жюриин улихъна кьимат тувуб метлебниинди пишекарвалин ва гъацци аьшкъназ вуди дюзмиш гъапӀу 118 документальный фильмир адагънийи- Ватандин Аьхю дявдин ва Чичандин дявйирин гъядисйирикани, женг гъубхдарикан ва гъабхурайидарикан, уьмурлуг вуди чпин веледарихъ, аьйир-бабарихъ мягърум гъахъидарикан вуйидар.

Вари фестивалин программайиз 147 документальный фильм улупнийи. ВаритӀан асас приз («Пишекарвалин доку-



ментальный кино» жюрейиан) Аьбдулла Аьлишаевди дюзмиш гъапӀу «Аьдати вагъабизм» ччвур тувнайи фильмииз тувну.

Гъадму фестивалин тешкилатчйир гъамрар вуйи: Екатеринбургдин Администрацияйин культурайин управление, Гуманитарвалин университет, Свердловск областдин илмин библиотека, «Шурави» кӀуру муниципалин музей, Урусатдин кинематографистарин Союздин отделение, «Урусатдин эскер» кӀуру ччвур али культурайин центр.

НУМРАЙИЪ:

3 ХАЙИРЛУ СЮГЪБАТ

Аьгъювалар гъадагъай



4 ИСЛАМ ДИНДИЗ ШЕРИК ЛЯХНАР

Дюнъя ва дидин кьимат



5 ГЪЯЖДИКАН ВУЙИ ФИКРАР ДАВАМ АПӀУРИ...

Гирами йишвар ва рягъимлу инсанар



6 ИСЛАМ ДИНДИН ДАРСАР



8 Гъуднар сати ва жикъи аплбан гъякънаан



АХИРАТДИН ЙИГЪАН КЮМЕК (ШАФААЪТ) АПИРУДАР ШУБУР КАС ХЪИДИ: ПАЙГЪАМБАР, АЪЛИМАР ВА ШАГЪИДАР

ГЪЯДИС

ПАЙГЪАМБАРИН ﷺ УЪМУР УХЪУЗ НУМУНА ВУ

Ужудар гъиллигъар

Гъюрматлу мусурман гъардшар ва чйир!

Ухъуз аъгъюганси, Мугъяммад Пайгъамбар ﷺ гъаму жилин халкъ гъапдарикан ва Къудратлу Аллагъди ﷻ гъаънайидарикан варитлан ужурсир кас ву. Дугъу хъаплу баркаллу уъмур гъарсар мусурман касдиз ужуб нумуна дубхъну ккунду.

Аллагъу Тааълайи Мугъяммад Пайгъамбариз ﷺ къадарсуз ужудар гъиллигъар ва жандкин ужуб юруш тувну. Чатан ва айтлан успагъиди рякъювалин терефнаан думу имбударихъан фаркълу вуйир вуйи.

Пайгъамбарин ﷺ ужудар гъиллигъарин гъякънаан



Ас-Салам-фото

гизаф къадар ихтилатар а. Инсаниятдин тарихнаъ гизаф къадар инсанари ад иллагъки чпин дирбаш'вал, фикирлувал, жумартвал сеbeb вуди гъазанмиш гъаплну. Хъа Мугъяммад Пайгъамбар ﷺ клуруш, дугъу чаз айи жумартвал сеbeb духъну учв яшаммиш гъахъи ва дугълан къяляхъ вуйи йисарира инсанарин арайиъ варитлан адлу гъахъир ву.

Чатан рякъювал

Мугъяммад Пайгъамбарин ﷺ чатан рякъювалин гъякънаан сар аъсгъябди гъамци ктибтура: «Думу бегъемди вуйи Вазси утканур ву». «Дугъан машнан утканвал лап ачухъди вуйи», «Думу гъадмукъан уччур вуйи, фицики хиял апларваки, дугъхъан чахан увуз фициб уччуввал тувну ккундувуз, клури гъерхганси».

Марци юкIв айивал

Гизаф инсанар дугъ'ина хаин гъахъну, хъа амма Мугъяммад Пайгъамбариз ﷺ дурариз хил алдабгъну ва чпин йишвариз деетну.

Жумартвал

Эгер Пайгъамбарикан ﷺ шли-вуш фу-вуш ккун гъаплмиш (талаб гъаплмиш), дугъу гъич сабанра ваъ клури гъахъундар. Чаз айиб вари дугъу туври гъахъну, хъа эгер талаб гъаплуб чаз адарш, думуган дугъу гъайифвалар зигури, ужудар гафарининди сикин аплури гъахъну. Пайгъамбариз ﷺ гъарган касибариз чаз айибдикан туври, пай аплури гъахъну.

Дирбаш'вал

Учв лапра гъизгъин кчлхбарий айи вахтна хатлаувалий айиган гъеле лапра дирбаш ксар-

чахъди хъайидар дугъан жандкин къяляхъинди жин шули гъахъну. Хъа Пайгъамбар ﷺ клуруш, гъеле варитлан гъизгъин ва учлру кчлхбарий гъахъишра, девейини элеъну душмнарин улихъна гъягъюри гъахъну.

Нач - гъяя

Пайгъамбар ﷺ гъадмукъан нач'вал айир вуди гъахънуки, гъеле инсанарин деету нукъсанариз лигуз шули гъахъундар. Дугъу инсанариз хушлу дарубси улхурдаи ва гъич сабанра чан улхбаригъ эдебсуз гафар гъирчурдаи.

Жмяябтдихъна

ккунивал

Чахъди лихури гъахъи гъарсар касдиз, чахъна гъафиган, учв имбудартлан артухъди Пайгъамбариз ﷺ ккунду клури гъибгъри гъахъну. Аллагъди Гъаънайир ﷻ чахъди лихурайидарикан гъарсарихъна лапра дикъатлур вуди гъахъну.

Язухъвал

Гъамушваъ ва гъамушвхъантинара Мугъяммад Пайгъамбарин ﷺ ужувлан терефарикан лапра жикъиди дупна. Къур'андиъ Пайгъамбарин ﷺ гъякънаан улхруган, дугъу чан муъминарин лапра язухъ аплури шулу, клури дупна. Дугъу жилин алидариз клуи: «Язухъ аплинай ва завариин алидари ичвра язухъ аплиди».

Гаф тувувал

Саб ражну Пайгъамбариз ﷺ сар касдиз увухъна гъидиза, клури гаф тувнийи ва дугъахъна гъушур дугъаз ккилигури чпи мяслябт даплнайи саб йишвахъ 3 йигъан гъузнийи.

Гъянивал

Чпин уъмриъ алахъу читинваларикан ктибтурайи ксарихъ хъпехъури (касиб, ачни хпир ва гъ.ж.) думу съятариинди рякъюъ дийигъну гъузри гъахъну.

Гъякъвал

Гъич саризра ва гъич саб вахтнара Пайгъамбариз ﷺ кучлар аплури гъякъюндаи Дугъаз жилина гъаънайивалин вазифа тувбалан къяляхъ гизаф аллагъарихъ хъугъру саб жерге ксари Мугъяммадди кучлар аплуру клури, тасдикъ аплуйи, хъа тмуну гизаф аллагъарихъ хъугърудари гъаци вуйивал инкар аплуйи, фицики дугъу (Мугъяммадди) ягъч'вуд йисандин муддатнаъ кучлар гъаплундар ва гъамусра кучлар дараплур, клуи.

Дюзвал ва

ихтибарвал

Мугъяммад ﷺ лап бициди имидитлан Меккаийн агъалийри дугъан ччурнахъ «Амин» хъаплуйи, думу гафнаъ ихтибарлур, умудлур, гъякълур клуру мяна а. Гъеле динсузарира кмиди ярхи рякъюъди гъягъруган дугъахъна уьхбан бадали чпин багъалу шей'ар туври гъахъну.

Фикирлувал ва гафарин

мянайин деринвал

Гъаци вуйивал гъадди субут аплура, фицики тлафлари, гъярамзадйири, руш'ват гъадабгърудари ва пиянискйири дугъан тербияйи тясир аплбиинди чпин чиркин гъиллигъар ккатлахънийи ва дурарикан дирбаш, гъякълу, марци ва жумарт ксар гъахънийи.

Аъгъювалар

Исламдин аълимар чпин вари уъмриъ Мугъяммаддин шариабтдин къарарин зиин лихура. Хъа амма дугъан аъгъюваларин деринариз хъуркъуз шуладар.



Чахъди гъилихдариз

гъюрмат

Пайгъамбарин ﷺ мажлисдиъ гъич саб жюрейинра сес-дикI ебхурдаи. Дугъу улхбар аплру вахтна, чахъди хъайидар гъадмукъан сикинди дуснади шуйи, фицики гъеле дурарин клуларин зиин жакъвар дусуз мумкинвал айиганси.

Саб ражну мекканлуири Мугъяммад Пайгъамбарихъна ﷺ Абрубу Сухайл ислягъвалин йикъариин къул зигуз гъаънийи. Пайгъамбариз чахъди хъайидари фициб гъюрмат аплураш гъякъган, вакили учв къяляхъ хътакан гъаплнийи: «Узу Римдин императорихъ, Персияйиз агъавал аплурайирихъ, Египетдин хандихъра гъахъунза, хъа амма Мугъяммадиз ﷺ аъсгъябари аплру саягънан гъюрмат гъичра гъякъюндардуз».

Чахъди лихурайидарин

ккунивал

Сатиди ляхин аплурашра, амма Пайгъамбар ﷺ суткйириинди дяряркъру ксар гизаф айи. Уъгъод дагъдин багахъ кчлхбар гъахурайи вахтна Абу Женнетди дуснайи Пайгъамбар ﷺ чан жандак дугъан улихъ гъивбиинди жин гъаплну (гъюрхну). Чимраан йивру вари клаклар-зазар аъсгъябдин къялаъ арсри гъахъну.

Аллагъдихъан гучIрувал

Дугъаз Аллагъ фукъан аъгъайиш, гъадмукъан гучIурира гъахъну. Дугъу чаз айи вахт Аллагъ ﷻ фикрарикк ккади гъаплуйи. Бязи вахтари, аъсгъябар рази ктаъбан бадали думу аълхъюри шуйи. Дугъу клури гъахъну, фицики эгер учвуз узуз аъгъюкъан аъгъайиш, думуган лапра цибди аълхъидийчва ва артухъди ишидийчва.

Хураг иплувал

Аъйшайи клури гъахъну, фицики бязи вахтари хулак ца ктраплди ва мани хураг гъязур дараплди ваз шуйич. Бязи вахтари Пайгъамбариз ﷺ хураг-тияам дирипди шубуд йигъ шуйи. Дугъу хулаъ гъязурди айиб иплуйи, хъа эгер иплуб адарди гъабхъиш, думуган гаш'валиъ гъузуйи. Дугъу гъич саб вахтнара иплубдикан улхурдаи, дугъу анжагъ чан улихъна гъабхиб иплуйи.

Дугъан аъкъюл учв Пайгъамбар ﷺ вуйивал тасдикъ аплру шартI вуйи. Вари терефариан дюньяийн девлетар гъюру вахтна гъамкъан гъянир хъувал. Пачгъаризтлан аъхю гъюрмат айивал- му Аллагъди Гъаънайир вуйивал тасдикъ аплру ачухъ субутвал ву. Гъит Аллагъу Тааълайи ухъуз дугъан ва имбу пайгъамбарин терефнаан вуйи ужувлар туври. А мин!

ГЪЯДИС

ФУЖ АГЪЮВАЛАР ГЪАДАГЪБАН РЯКЪЮЪ УЧВИШ, АЛЛАГЪДИ ЖЕННЕТДИЗ ГЪЯГЪРУ ДУГЪАН РЯКЪ ПЧІУ АПІДИ...

ХАЙИРЛУ СЮГЪБАТ

Къуръандиан: «Аллагъу Тааблайи гъапну (мяна): «Чпиз агъювалар айи луклариз Аллагъдихъан гучі шулу». (Къуръан,35:28)

Аллагъди хъана гъапну (мяна): «Яраб агъювалар айи касра ва агъювалар адру касра чиб- чпиз барабар шулинхъа?» (Къуръан,39:9).

Аллагъди гъамцира гъапну (мяна): «Аллагъди учвкан диндихъ хъугърударра, хъа гъацира чпиз агъювалар тувнайидарра даражайинди за аплуру». (Къуръан, 58: 11)

Суннайиан: Абу Дардайихъанмина гъафи гафар ву: «Узуз Аллагъди Гъаънайири гъамци клури гъеебхъунзуз:

«Фуж агъювалар гъадагъбан рякъюъ учвиш, Аллагъди Женнетдиз гъягъру дугъан рякъ пчлу аплиди, ва малаикари чпин хлинцар агъювалар агрурин улихъ гъаттарциди, дугъу аплурайибдин рази духънайиган. Ва завариин алидарира, жилиин алидарира ва гъеле штукк ккайи балугъарира кмиди багъишламиш аплуз агъю Аллагъдикан афв аплувал ккун аплиди.

Агъювалар айи кас ккун аплурайирин улихъ вуйи заанвал хъа-

Агъювалар гъадагъай



рин улихъ Вазлин заанвализ ухшар ву. Агъювалар айидар пайгъамбарин ирс гъубкъу касар ву. Пайгъамбарари чпин тухмариз гъич саб динаркъана, я дирхамкъана гъибтундар, хъа ирсназ агъювалар гъитну. Шли агъювалар гъадагъуруш, гъацири бегъемди ирс гъадабгъуру».

Абу-Заррайихъанмина гъамцдар гафар гъафну: «Аллагъди Гъаънайири гъапну: «Эй Абу-Зарр, гъачнин ухди гъудужвувал ва Аллагъдин Дафтриан саб аят эзбер аплувал увуз ужу ву, гъудгнин варж ракааът аплувалтан, хъа гъачнинган ухди гъудужвну илмин

саб пай агъю аплуб увуз агъзур ракааъттан ужу ву».

Уъмну Пайгъамбарихъан чаз гъеерхъу гъаму гафар киваин гъапну: «Ахиратдин йигъан кюмек аплрудар шубур кас хъиди: пайгъамбар, алимар ва шагъидар».

Ибн Мас'удди Аллагъди Гъаънайирихъан вуйи гафар киваин гъапну: «Аллагъдиз Чан фицир - вуш лукраз ужувлан ляхин аплуз ккун гъабхъиган, думуган Дугъу диндин гъаврихъ тлаъру ва дугъаз Гъякълувал улупуру».

Абу-Бакри Пайгъамбарин гафар вуйи-вуйибси текрар гъапну: «Алим,

ученик, хъпехърур ясана гъадрар ккунир йихъ, хъа амма хъурпир махъан, даршиш йиклидыва».

Ибн Мас'удди киваин гъапну: «Хъурпир – му чаз агъювалар даккнир ва агъювалар гъадагънайидарра даккнир ву».

Агъювалар ихъ гъяракатарин бина ву, агъювалар ихъ ляхнарихъ ухъу улихъ гъахрудар ву. Агъювалар ляхнар адарди метлебсузар вуйиганси, ляхнарира, агъювалар адарди гъахъиш, хайир тувурдар. Аллагъдикан агъювалар гъадагъбан ва хъуркъувалар гъазанмиш аплбан рякъюъ учву касдиз чан вари уъмрин рякъюъ агъювалар гъерек ву.

Сифте дугъаз диндихъ хъугъбан гъякънаан вуйи илмар агъяди ккунду (акъида) ва дюзди ибадат аплуз (тасхихи - ль- ибадати). Дидланна гъайри, дугъу инсанарин арайиш дусуваликан - гъудужвуваликан улупру илим агъю дапну ккунду (эдеблувалин). Чан юкв лазим вуйи саягънинди тербияламиш аплруган чан гъяллан агъвалат къайдайиз хру дережайихъна дуфну ккунду.

Ари гъаддиз лазим вуйи къадарнагъди агъювалар гъадагъувал суфизмийин метлеблу бинириккан саб вуди гъисаб аплуру, гъаз гъапиш суфизм Ислам гъякъикъатди уъмрихъ гъятназ кечирмиш аплувал ву, члат терефнаанси, айттан терефнаанра. Агъювалар гъадагъбан метлеблуваликан ва лайикълуваларикан агъю аплбан бадали ва агъювалар гъадагъбан вари метлеблувалин гъаврихъ ахъбан бадали Къуръандин аятар ва Пайгъамбарин гъядисар агъю дапну ккунду.

Гъаддин гъякънаан учу, иншаАллагъ, жара вахтна сюгъбат тешкил аплидича.

(«Мусурман календариан»)

ИЧ КАЛЕНДАРЬ

Сафарин ваз

Мусурман вазарикан сафар варитан ягъурсуз ваз вуди гъисаб аплура. Чара имиди му вазли ужуб, хайирлу ляхниз ният дараплуб, ярхи рякъюз, мянфяаътлуб вушра, удручлвуб теклиф аплура. Иллагъки сафарин аьхиримжи гъербе йигъан. Му йигъ жилариина сад йисандин балйиркъазйир, писвалар, уьзарр гъюру йигъ ву. Гъаци вуйиган, му йигъан Аллагъдиз шлубкъан артухъди ибадатвал аплури адаплуб теклиф аплура. Гъаму йисан думу йигъ февралин 25-пи йигъаз алабхъура. Мусурман тарихдинди (гъижра) вазар гъар йисан саб вахтна ахърадар).

Му йигъан, жилариина гъюру балйиркъазйирихъан уърхуб метлебнинди, 4 ракааътдикан ибарат вуйи суннат-гъудган дапну ккунду. Думу аьдати 4 ракааътдин гъудганси аплруб ву. Гъудган аплбан къайдара гъамциб ву:

Ният: Узу ният аплураза гъидин йигъандин жилариина гъюрайи балйир-къазйирихъан уърхуб метлебнинди 4 ракааът- суннат гъудган аплуз, Аллагъу акбар! Гъарсаб ракааътди Фатигъйихъан урхуру:

"Кавсар" сура ("Инна аътлайнака...") - 17 ражари.

"Ихлас" ("Къулгъу")- 5 ражари. "Фалакъ" ва "Нас"- гъарсаб саб ражну.

Гъудгнихъан дюаъра урхуру:

Гъацира му йигъан ригъ алабхъайиз гизафси садакъа тувну ккунду. Эгер думу ригъ гъудубчлвур и айи вахтна тувиш, лапра ужуб ляхин вуди гъисаб аплуру. Аллагъ Чав кюмек ишри! Амин!

بِسْمِ اللَّهِ الرَّحْمَنِ الرَّحِيمِ

اللَّهُمَّ يَا شَدِيدَ الْقُوَى وَيَا شَدِيدَ الْمِحَالِ يَا عَزِيزُ ذَلْتَ لِعَزَّتِكَ جَمِيعَ خَلْقِكَ إِكْفِنِي شَرَّ جَمِيعِ خَلْقِكَ يَا مُحْسِنُ يَا مُجْمَلُ يَا مُتَفَضِّلُ يَا مُنْعِمُ يَا مُكْرِمُ يَا مَنْ لَا إِلَهَ إِلَّا أَنْتَ إِرْحَمْنِي بِرَحْمَتِكَ يَا أَرْحَمَ الرَّاحِمِينَ. اللَّهُمَّ بِسِرِّ الْحَسَنِ وَأَخِيهِ وَأَبِيهِ وَجَدِّهِ وَأُمِّهِ وَبَنِيهِ إِكْفِنِي شَرَّ هَذَا الْيَوْمِ وَمَا يَنْزِلُ فِيهِ يَا كَافِيَ الْمُهْمَاتِ يَا دَافِعَ الْبَلِيَّاتِ فَسَيَكْفِيكَهُمُ اللَّهُ وَهُوَ السَّمِيعُ الْعَلِيمُ وَحَسْبُنَا اللَّهُ وَنِعْمَ الْوَكِيلُ نِعْمَ الْمَوْلَى وَنِعْمَ النَّصِيرُ وَلَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ وَصَلَّى اللَّهُ عَلَيَّ نَبِيِّنَا مُحَمَّدٍ خَيْرِ خَلْقِهِ وَعَلَى آلِهِ وَأَصْحَابِهِ أَجْمَعِينَ.

АЛЛАГЪДИЗ ﷺ ЧАН ФИЦИР - ВУШ ЛУКІРАЗ УЖУВЛАН ЛЯХИН АПІУЗ ККУН ГЪАБХЪИГАН,
ДУМУ ДУГЪУ ДИНДИН ГЪАВРИЪ ТІАЪРУ ВА ДУГЪАЗ ГЪАКЪЛУВАЛ УЛУПУРУ

ГЪАДИС

ИСЛАМ ДИНДИЗ ШЕРИК ЛЯХНАР

Мугъяммад – Закир ЮСУФОВ

Аъзиз вуйи мусурман гъардшар ва чйир! Узуз йиз гъаму макъалайиь учвухъди дюньяйин ва дидиз айи къиматнан гъакънаан вуйи темайиан сюгъбат аплуз ккундузуз. Гъаму дюньяйин члат терефнан уччушнаринин машгул духънайи хайлин мусурман гъардшариз ва чйириз Аллагу Тааълайикан ва Дугу ухъухъна, инсанарихъна, гъаму жилина гъаънайи бикібарикан, теклифарикан, гъайифки, гъархра, фицики хайлиндар гъаму жилин артухъди девлетар уч апібиин машгул шулу ва гъаддихъди сабси зйииф ва хасият жигъатнаан пчу инсанар ківахъни апібииндира.

Гелбетда, гъаму дюнья дюбхну ккунду, жвуазси дидизра зарар тувну ккундар. Хъа амма Аллагу Тааълайиз дюньяйин къимат айиб дар. Ухъузра ихъ бедендин къимат гъубзурдар, фицики ухъу кечмиш хъплан къяляхъ ихъ рюгъяр гъузди, гъардрар бадали зегъмет дизигну ккунду.

Шейх Мугъяммад бин Салимилъ Байгъанийин «Футтугъятурраббания» клуру дафтриь дибикінайиганси, «фуж Аллагъдихъ ﷺ хъугънуш ва ужудар ляхнар гъапінуш, Аллагу Тааълайи гъацир кас гъюрматлу хулаз, яни женнетдиз гъахиди. Хъа фуж Аллагъдихъан гъудучівуруш ва гъаму дюнья ктабгъуруш, гъацир кас Дугу аъзабан хулаз яни жегъеннемдиз гъахиди». Гъаци вуйивал гирами Къуръандин аятдира тасдик аплура.

Ва фунур кас, вари сяргъатарилан улдучівну динсузвалиь ахънуш, ахиратдикан гъархбиинди гъаму дюнья къабул гъапінуш ва Аллагу Тааълайи бадали ибадатвал гъапіндарш, гъацир касдиз гъязур дапнайи йишв жегъеннем хъибди. Хъа шлиз Аллагу Тааълайихъан гъучіруш ва чан нафс гъярмдихъан гъубхнуш, дугъаз гъязур дапнайи йишв гъакълуди женнет хъибди.

Эй Аллагу Тааълайин луклар! Учву вахтназди уьмур хъапіру гъаму дюнья ктабгъурачва, даршиш уьмурлуг вуйи Ахират? Учву гъаму дюньяйин, шейъ - шюйъ уч апібиин ва багахълуириз гъюрмат апібиин фици машгул духъначва? Аллагу Тааълайикан вуйи фикрар ківаъ ади гъудган аплурачва? Эй инсанар, учву гъаму дюньяйиь яшаммиш шулайиган гъаму дюньяйиь ичв пай гъадабгъуручва, гъакълу ву, ухъу гъаму дюньяйиан гъягърудар, кючмиш шлудар вухъа ва ихъ хилариь фу гъубзиди? Фицики ухъуз гъаму дюньяйиь айибра жикъи вахтназ вуйиб ву. Ухъуз фука гъубзидар, анжагъ Аллагу Тааълайи бадали ухъу гъапубдилан гъайри.

Мугъяммад Пайгъамбарин ﷺ гъадис-

Дюнья ва дидин къимат

Ухъу гъаму дюньяйиан гъягърудар вухъа



Ас-Салам фото

диь гъамци дупна: «Гъаму дюнья хал хътруриз вуйи ужагъ ву, шейъ – шюйъ адруриз шейъ - шюйъра ву ва думу фикир адрури артухъди уч аплуру...шлиз гъакълу аъгъувалар адарш, гъацир кас гъаму дюньяйиан гъяйбатлу шулу ва гъацир кас Аллагу Тааълайиз мютлюгъвалин диндин гъавриь адар. Хъа фуж гъаму дюнья бадали къадарсуз ахъюди чалишмиш шулаш, дугъаз Аллагъдихъна вуйи хъугъвал адар».

Пайгъамбарин жарануб гъадисдиь гъамцира дупна: «Гъаму дюньяйихъна вуйи ккунивал вари гъалатларин клул ву».

Саб ражну Пайгъамбар ﷺ аъсгъябарихъди сатіиди хъили гъабкі марччлихъантина гъудучівну гъягъуради шулу ва дугу аъсгъябариз клуру: «Учвуз гъаму марчч рякъюрочвуз, чан эйсийиз герек даруб, къиматсузуб?» Аъсгъябариз жаваб тувру: «Къиматсузуб хъпаз лигну думу марчч ккатлабхънура ву». Пайгъамбариз ﷺ клуру: «Йиз юкв чан хлиь айириинди ху аплураза, фицики гъаму дюньяра Аллагу Тааълайиз къимат адруб ву, гъеле эйсийиз чан чарваси»

Пайгъамбарин жарануб гъадисдиь гъамцира дупна: «Гъаму дюньяйихъна вуйи ккунивал вари гъалатларин клул ву».

Дюнья заваринна жилин арайиь айиб ву ва думу халкъ гъапіханмина Аллагу Тааълайи дидиз гъилигундар ва Ахиратдин йигъан дюньяйи пиди: «Эй йиз Первердигар! Узу увухъна варитлан багахъ вуйидарикан ва гъаму йигъан увуз варитлан ккунидарикан вуди апінава».

Аллагу Тааълайи пиди: «Ккебехъ, эй дюнья! Гъакълу ву, увухъна инсанар гъафиган, узу увъин рази гъахъундайза. Гъи узу увъин рази хъидинхъа?»

Мугъяммад Пайгъамбарин ﷺ гъадисарикан сабнубдиь гъамци дупна: «Узу гъакіхъан учвухъна дюньяйиз гъациб вахт гъибдики, дюньяйи ичв иман, яни дин хътипиди, ци гаківлар ургруганси».

Гъюрматлу мусурман гъардшар ва чйир!

Гъаму дюньяйиь шлубкъан артухъ къадарнаъди мал – девлет, гъизил - варакъ уч аплуз иштагъ айивали инсандин фикрар гъюдюхъуз, Аллагу Тааълайихъан гъудучівуз мумкинвал тувру. Гъаци хъували инсан фициб рякъюхъна хъаъруш Иса пайгъамбарин ﷺ уьмриь алабхъу дюшошнакан вуйи риваятарикан сабнубдиан мялум шула, дурар Анасди ва Жарирайи кидитдар ву:

Сар кас Исайихъди ﷺ дуствалин алакъайиь ади шулу. Дурар рякъюъди гъягъюри- гъягъюри саб нирин гъвалахъинди алдахъуру ва лисундин уьл иплуз клури деъру. Дурарихъ чпихъди шубуб чилли лаваш хъади шулу. Дурари къюрредди са - саб лаваш иплуру ва шубубиб гъубзру. Гъадму арайиь Иса ﷺ гъуджувуру ва шид убхъуб метлебниинди ниризди ис шулу. Думу шид убхъубалан къяляхъ хътакусби, лигуруш, шубубпи лаваш хъимдарди шулу.

Ва дугу чан юлдшиз клуру: «Гъадму лаваш шли гъадабгънийклан?». Дугу

лаваш шли гъадабгънуш йипава». Дугу «Агъдарсуз», клуру жаваб тувру.

Гъаддин къяляхъ дурар ярхлаз гъягъюру ва шид айи саб дерейиз хъуркьору. Ва Исайи ﷺ дугъан хил дибисну дурар гъадму штуди, хиял апарваки жилиинди гъягъруганси, ярхлаз гъягъюру. Пайгъамбариз ﷺ чан юлдшиз хъана гъамци клуру: «Увуз гъякъю гъаму аьламатнан хатирназ лигну, лаваш шли гъадабгънуш йипава». Дугу хъана жаваб тувру: «Узуз аъгъдарсуз». Дурар хъана ярхлаз гъягъюру ва гъумран саб дерейизди алдахъуру. Рягъятвал гъадабгъуб метлебниинди дурар жилин деъган, Исайи ﷺ жилилан саб ахъю чівеъ ругна хъял гъадабгъуру ва клуру: «Аллагу Тааълайин амриинди гъамрарикан гъизил йихъайчва». Ва гъадму чівеъракан Аллагу Тааълайин амриинди гъизил шулу.

Гъаддин къяляхъ Иса пайгъамбариз ﷺ гъадму чівеъ шубуб пайназ жара аплуру ва клуру: «Шубубдик саб пай йизуб ву, шубубдик саб пай явуб ву, хъа шубубдик саб пай гъадму лаваш гъиплуриз ибшири». Гъадму вахтна дугъан юлдши клуру: «Гъадму лаваш гъиплуру узу вуйза, ари гъаддиз гъаму гъизилин чівеъра йизуб дубхъну ккунду». Гъадмуган Исайи ﷺ клуру: «Гъаму вари явуб ву, шубубпи пайра увуз ибшири». Гъамци дупну, Иса пайгъамбар ﷺ, гъадму кас гъитну гъудучівну гъягъюру.

Саб вахтна гъадму касдихъна къюр кас гъюру ва дугъахъ гъамкъан ахъю девлет хъади гъяркъган, дурариз думу йиклуз ва гъадму гъизил чпиз гъадабгъуз ккун шулу. Дугу дурариз клуру: «Гъаму шубуригъ пай апідихъа. Гъачай учвкан санур багахъ вуйи гъулаз гъаъхъа, ухъуз иплуб абган бадали». Дурари чиб - чпихъди мяслаът дапну, гъадрарикан санур иплуб абгъуз гъаъру, хъа тмунири фикир аплуру: «Гъаз узу гъадрарихъди пай аплуру? Гъаци апілайиз узу иплубдик агъу капіну зегъерламиш апідиза ва вари девлетар узухъна гъадагъидиза». Хъа гъадму йишвахъ гъузнайидари сари - сариз клуру: «Гъаз ухъу ихъ девлет дугъаз пай аплурухъа, думу гъафиган, йивну йиклидихъа».

Гъадму кас къяляхъ гъафиган, гъадрари къюрредди думу йивну йиклуру. Хъасин дугу гъабхи хураг гъипган, гъадрар къюрредра йихуру. Гъаддин къяляхъ шейъ - шюйъра ва дийихнайидарра гъадухъвахъ дахънади шулу. Иса пайгъамбар ﷺ саб вахт арайиан удубчівган чахъди хъайидарихъди гъадму гъумран йишвариантина гъягъюрайиган, дурариз гъаму аъгъвалат рякъюру ва дугу дурариз клуру: «Ари гъамрарихъинди лигайчва. Инсанарикан дюньяйи фу аплуруш лигайчва. Гъаддихъан учву уьрхъуз чалишмиш йихъай»

Аъзиз мусурман гъардшар ва чйир! Зиихъ узу ківаин дапнайи мисаларикан ухъуз тясирлу дарс шлувалиин умудлу хъидихъа.

Гъит ухъуз Аллагу Тааълайи пис ляхнарихъан ярхла аплуз амур туври ва ухъу Ислам диндин рякъюъди дацрақди гъягърударикан апри. Амин!

ГЪЯДИС

ИЧВ АРАЙИАН ШИЛХЪАН ЧАН ГЪАРДШИЗУЖУВЛАН ЛЯХИН АПІУЗ ККУНДУШ, ДАПІНУ ККУНДУ

ГЪЯЖДИКАН ВУЙИ ФИКРАР ДАВАМ АПІУРИ...

Пирмягьямед КЪАСУМОВ
газатдин редактор



Ас-Салам фото

Учу Мединайиъ яшамиш шулайи
йигъари гъаму гостиницайиъ
гъахъунча

Гирами йишвар ва рягъимлу инсанар

Гъюрматлу мусурман гъардшар ва чйир! Узу «Ассалам» газатдин ккудубшу нумрайиъ учу Сауд Аъравияйин Паччагълугъдин гирами йишвариина

гъяждиз гъягъбакан яркъуди дупнайза, хъа вушра гъадму баркаллу ва гирами йишварикан, рягъимлу ксарикан вуйи ихтилат аъхирихъна дубхнадайза.

Гъелбетда, гъяж кљули гъабхуз дурнайидар Меккайиъ айи саб жерге гирами йишварихъди, зияратарихъдира таниш аплуру. Магъа гъадрарикан сакъюдар: Нур кљуру дагъдин али Хираъ кљуру дюрхъ. Гъадушваъ Мугъяммад Пайгъамбарихъна ❁ гирами Къуръандин гирами аятар хътаъну. Савр кљуру дюрхъ, гъадушваъ ихъ Пайгъамбар ❁ Абу Бакрихъди сатїиди чпи гъягъювалин зиин гюзчивал гъабхури гъахъи къурейшитарихъан жин гъахъну, Абу – Бакриз накъшубандийин тїарикъатдин бинйирикан улупну. Мугъяммад Пайгъамбар ❁ бабкан гъахъи хал. Душваъ гъамусяаът библиотека ерлешмиш дубхъна. Учу



Ас-Салам фото

Гъяждиз душнайи Айбика Сефербеговайи (Ярсъан вуйир),
Гюлжигъан Селимовайи (Ахътан) дьюъйир аплурайи дакъикъа

гъадушварин багахъна гъшунча ва Аллагъу Тааълайикан учуз гъадушваз саб ражнусана теклиф аплувал ккун гъаплунча. Гъит учузси дюнъийин имбу мусурмаризра варитан мяналу ва аъламатнан сиягъят, ав, Гъяж кљуру ччвур тувнайи сиягъят кљули гъабхуз къисмат аплри!

Гъелбетда, гъарсабдиз чан эвел ва аъхир айиб ву. Гъяйифки, магъа учуз улупнайи вахт аъхирихъна гъафнийи ва хабарсузди уларикан ккудубгнийи. Дюз гъапиш улупнайи вахтналан аълава вуди Меккайиъ 10 йигъан артухъди гъузнийча. Гъаци вуйивалин себеб транспортдин аъхю нубатар айивал ва гъадму месэла тлякуъ вуйи гъуллугъчйирихъан дубхъну ккуни саягъниинди гъял аплуз удрукъувал вуйи.

Учу Меккайиъ яшамиш шулайи гъахъи гостиницайин (офисдин) эйси Аъбдуллагъ лапра сабурулу ва жумартлу кас вуйивализ лигну дугъан терефнаан гъич саб дакъикъайиъра наразивал ясана инжиглувал гъабхъундайи. Гъадму кас Мугъяммад Пайгъамбарин ❁ аьсгъябарикан санурин багахълу кас ву. Гъаму шиклин гъацкъялаъ дийигънайир



Ас-Салам фото

Гъяждиъ гъахъи вахтна ич дестейиз регъбервал туву
Макъсуд-гъяжи Садикъов, гостиницайин эйси Аъбдуллагъ ва
Макъсуд-гъяжийин кюмекчи Аъбдурашид

Аъбдуллагъ ву. Хусуси вуди узу дугъахъди хайлин ражари ачухъ сюгъбат гъубхунза. Чаз айи девлетназ, Меккайин агъалирин арайиъ чав гъазанмиш дапнайи аъхю адлувализ ва гъуллугъназ дилигди, думу лапра имшахур, учв жарадарин улихъ за аплуз даккнир, лапра гъянир касси улупрур вуйи. Гъеле кми – кмиди дугъу учуз (чан гъюрмат вуйиз кљури) термосариан ккунириз чай, хъа кофейиъ аьшкъ айириз кофе убзуйи. Гъеле чан гостиницайиъ ва асас вуди учуз кљури вахтназ вуди тешкил дапнайи столоваяйиъ дугъан работникарин ужуб хъайивал аплурайишра, гъарсаб дакъикъайиъ марццишин уьбхюрайишра, хъа амма гъаддиз дилигди думу хусуси гюзчивал уьбхъан гъайгъушнаъ шуйи, учухъди сюгъатар аплури чан вахт адапуйи, гъубкїрубдин – гъудрубкїрубдин гъайгъушнаъ шуйи. Дугъу учуз гъаплу гъюрматнан кьимат аплуз даршул. Гъадугъан кюмекниинди гостиницайиъ къюб ражну мевлюд гъаплунча ва дугъу шубудварждилан зиина дагъустанлуйириз – мевлюддин иштиракчйириз ицци хурагар гъивну. Узуз гъапиганси, дугъу учуз деве убккбиинди гъаддин йикк ккайи дадлу хураг – аш гъивну.

Маншаллагъ, гъит учу бадали дугъу алдабгъу гъарсаб лик женнетдиъ ибшри!

Ав, хайлин мусурман гъардшарик ва чйирик вахтниинди багъри ватандиз къяляхъ хътакуз даршулайивалин гъалабалугъвалра кайи. Гъаз гъапиш учуз улупнайи вахтналан аълава вуди 10 йигъан Меккайиъ гуъузунча – учуз вуйи самолетдин нубат адарди хъпаз лигну. Хъа амма гъаци вуйивалиин шад вуйидарра айи, фицики гъамкъан йигъари гирами Меккайиъ ва Мадинайиъ (саки саб вазли) яшамиш хъувал, тмунуб терефнаан улхурушра, Аллагъу Тааълайин амриинди учуз туву лапра баркаллу багъиш гъабхъну, фицики, узу зиихъ къайд гъаплганси, Меккайин Масжид – аль – Гъярам мистаъ гъаплу гъарсаб гъудган аъдати варж агъзур гъудгнарив барабар ву, кљури шулу.

Гъелбетда, Сауд Аъравияйин гирами жилин учу гъахъи саб вазлин йигъари гъябкъюбдикан хъайи – хъайибси бикїруш, саб аъдати китабдиз ляхин а.

Гъаму ражну гъаму макъалайихъ нукътїа йивидиза, хъа амма Аллагъди ❁ амур гъапиш, иншаАллагъ, Дугъак умдвалра кайиз, гележегдиъ гъяждикан вуйи улхбар давам аплбанди вуза. Узуз гъубзрайиб Къудратлу ва Гъарсабдикан Аьгю Аллагъди ❁ йиз ва узухъди гъахъидарин гъяж къабул аплувал ккун аплуб ву.

Гъит ухъу яшамиш шулайи жилин ислягъвал, дуствал, мюгъкам берекетвал бул ишри! Амин!

ПРЕСС- КОНФЕРЕНЦИЯ

Гъяждин натижйирикан гъаплну

Мачилаевди гъяждиз гъушу вари мусурман гъардшар ва чйир гъяж кљули гъабхбахъди мубарак гъаплну ва республикайин улихъ – кљулихъ хъайидариз, сяргъятарин, таможняйин ва жюрбежюр жара гъуллугъариз, гъяждиз гъягъбахъди аълакъалу вуйи вари ксариз чухсагълум мялум гъаплну ва Аллагъу Тааълайикан гъадрарин гъяж къабул аплувал ккун гъаплну.

Учуавиарейсаринди Бакуйиантина 2023 кас гъяждиз гъаунча, хъа жилин транспортдиъди 6277 кас. Саб гафниинди, Дагъустандин гъяждиз гъушдариз Урусатдин 8 турфирмири гъуллугъ гъаплнийи, гъадрарикан Дагъустан Республикайин вуйи шубур туроператорари ва хъур турагентари. Гъаци вуйиган, Урусатдин вуйи вари 25 агъзурна 645 касдикан 18 агъзурихъна касдиз Дагъустандин туроператорари гъуллугъ гъаплну. Гъаддиз лигну асас гъагъ ихъ республикайин вуйи туроператорариз алабхъну.



Ас-Салам фото

Гъяйифки, гъаму йисанра Дагъустандин гъяждиз гъушу 6 кас гъяж кљули гъабхурайи вахтна кечмиш гъахъну. Учу гъадрарин вари багахълуйириз башсагълугъвал ккун аплурача.

Сауд Аъравияйин Паччагълугъдин гъюкмарин улихъ – кљулихъ хъайидари Дагъустандин гъяждиз гъафидариз ужуб кьимат тувну. Ихъдарин терефнаан КСА – йиз вахтниинди гъякъи тьувбан ва жара месэлийириан аъхю гъалатлар гъахъундар. Гъаддихъди сабси гъяждиз дурнайидар гирами йишвариз гъахъуз автобусар вахтниинди жара аплуз, авиарейсарин ляхин къайдайиз хуз дархъбаз, авиарейсарин график члюбгъбаз лигну КСА – йин гъюкмарин улихъ хъайидари бахишламиш аплувал ккун гъаплну. Гъаддихъди сабси дагъустандин туроператорари чпин терефнаан деету гъалатларра ккеркрадар, – гъаплну Мачилаевди.

Республикайин мялуматар тувру дакъатарин журналистари иллагъки авиарейсарин ляхниъ, гъадрар ватандиз къяляхъ гъюржан гъахъи гъалатларикан ва багаждихъди аълакъалу вуди деету гъалатларин себебарикан хайлин сулар тувнийи.

Гъяж кљули гъабхбан тешкилатчйири журналистарин сулариз ачухъ жавабар тувнийи.

Ич хусуси мялумат

ИЧВ БИЦИДАРИЗ

Гъюрматлу юлдшар, гирами мусурман гъардшар ва чйир, абйир – бабар! «Ассалам» газатдин ккудушу нумрийириъ учу ичв веледариз ва ислам диндикан бегъемди аьгъювалар адру жара ксариз сабпи, къюбпи, шубубпи ва юкъубпи дарсар чап гъапунча. Гъамус учву хъубпи ва йирхъубпи дарсарихъди таниш аплурача.

ХЪУБПИ ДАРС

ВАЗИФЙИР ВА ДИДИКІНАЙИДАР (УЛУПНАЙИДАР)

Аллагъди ﷻ инсан халкъ гъапну, хъа амма чав учв ялгъузди гъитундар. Уьмрихъна вари терефаран яркъудивабегъемдиянашмиш духънуккуниульчмийир а. Ухъу алдабгъру гъарсаб лик, ухъу аплурайи гъарсаб ляхин гъадму ульчмийириинди ерцуру. Аллагъди ухъуз ужувлан ляхнар аплуз, хъа амма члурувал (писвал) дарапуз бирмиш гъапну. Ухъуз ужувлан ляхнар аплуз улупнайидар (дидикінайидар), мисал вуди гъадабгъиш, гъудган аплувал, абйир – бабариз гъюрмат аплувал, садакъа тувувал, гъудгнар, дюьйир аплуз дих аплувал, Рамазандиъ дару вахтнара ушвар дисуз дих аплувал ужувлан ляхин вуди гъисаб аплуру. Инсан йивну йиклувал къадагъа дапна. Гъудган аплуру касдиз манигъвал шлу саягъниинди гафар аплувал ужуб дару ляхин вуди гъисаб дапна.

Зиихъ дупнайи жюрейинстар ктухувалар давам аплузра шулу. Рябкъюрайиганси, ихъ дин гъарсаб дюшюшдин гъяракатнахъна лапра ихтиярди янашмиш шула. Зиихъ дупнайиб кѳваин аплухъа. Ихъ уьмур жюрбежюр вазифйирикан ибарат вуди тасдикъ аплуз шулу.

Фикирлу (психология жигъатнаан сагъи) ва бицивалин яшнаан удучвнайи ксариз ихъ мусурман диндин члалниинди мукаллафар клуру, ясана диндиъ улупнайидар тамам аплуз мажбури вуйидар. Хпи тяфйириз гъадму яш 9 йисланмина хъуз мумкинвал а, хъа жили жвийириз 12 йисланмина хъуз мумкинвал а.

Миржиб жюрейин вазифйир а (умуми вазифйирихъди сабси къадагъа дапнайи ляхнарра). Гъадрар ктухухъа.

1. Аллагъди дидикінайи (улупнайи) вари вазифйир тамавалиинди клулиз адагъуб.

а) диндин вазифа - гъарсар мусурман касди тамам дапну ккуни вазифйир клулиз адагъуб. Мисал вуди гъадабгъиш, гъудган аплувал ва ушвар дисувал.

б) саб жерге мусурмнари клулиз адагъру вазифйир ва тмундари клулиз адрагърудар. Мисал вуди гъадабгъиш, гъакли касдихъ урхру дюьйир.

2. Аллагъдин ﷻ теклифариъ улупну адру, хъа амма шариаътиз асас духъну тамам дапну ккунидар. Мисал вуди гъадабгъиш, къурбан аплувал.

3. Диндин бикібариъ улупну адрудар, хъа амма ихъ пайгъамбари ﷺ (сунна) тамам аплури гъахъну.

4. Мустахаб (аьраб гаф) : ужувлан ляхин вуйиб, хъа амма диндин гъюкмарий улупну адруб. Яни гъациб ляхин дарапниш гунагъра даршлуб. Мисал вуди гъадабгъиш, Рамазандин дару вазли ушв дибрисийш.

5. Диндин къанундиинди къадагъа дапну адру ва ужувлан къимат тутрувру ляхнар. Мисал вуди гъадабгъиш, убхъуб, иплуб, дусуб (деуб), гъуджувбу (ва гъам жарадар).

7. Макругъ (аьраб гаф): къадагъа дапнайидар, хъа амма лапра чарасуз дюшюшариъ клулиз адабгъуз ихтияр тувру ляхнар. Къадагъа аплуз багахъ вуйи

Исламдин дарсар



гъяракатар, мисал вуди гъадабгъиш ригъ бегъемди алабхъган гъудган аплувал. Саки тянкъид аплурдар 8. Муфсид (аьраб гаф): гъудган (дюьйир) члуру аплуру, ужудар дару пис ляхнар. Мисал вуди гъадабгъиш, гъудгник кучвнайи вахтна гъадму касдиз гафар - члалар аплубиинди манигъвал аплувал.

ЙИРХЪУБПИ ДАРС

АЛЛАГЪДИХЪ ﷻ ХЪУГЪУВАЛ

Ухъу зиихъ дупнайиганси, диндин асас шарті Аллагъдихъ ﷻ хъугъувал ву.

Аллагъдихъ хъугъувал клуру гафарин ухъу фици гъавриъ ахъра? Думу айивалихъ ва Сар вуйивалихъ хъугъувал ву. Ухъхъан Аллагъ ﷻ айивал инкар аплуз шулин? Ваъ. Гъаз гъапиш ухъу яшамийш шулайи дюнья Дугъан амриинди арайиз дуфнайивалик

Аллагъу Тааьлайиз вари рябкъюру, вари ебхъуру, варибдикан аьгъя, Чаз ккун гъабхъиш, Дугъхъан фукла дарубдиканра вари ляхнар аплуз шулу.

гъисаб ву. Ригъди акв тувру, вазли акушин хру дюнья. Гъадму дюнья учв чав чалланди арайиз гъюз мумкин дар.

Мисал вуди гъадабгъиш, ухъкан гъарсариз ухъу яшамийш шулайи жвуван хал айиб ву. Гъачай фикир тувхъа: яраб гъадму ихъ хал уста- тикилишчи хътарди чав – чалланди арайиз гъюринхъа? Гъелбетда, ваъ. Ари гъаддиз ригъ, ваз – вари дюнья халкъ аплуру фуж – вуш сар Къудратлуру ади ккунду. Ари гъадму Къудратлуру Аллагъу Тааьла ву.

Ухъу клурхъа: Аллагъ Сар ву, къюр Аллагъ айиб дар, дубхънура ккундар. Ари къюр президентди гъюкум хъаплуру паччагълугъдикан (государствойикан) фикир аплухъа. Къюр президент айи паччагълугъ гъабхъиш, гъадрарин арайиъ наразивалар - даккнишнар дархъуз

мумкин дар, натижайиъ уьлкейиъ къайдасузвалар, гаф саб дарувалар арайиз гъюру. Аллагъ ﷻ Сар ву. Ари гъаддиз ихъ дюнья гъамкъан успагъиб ву ва думу ужувлан ва албагнаивалин рябкъюьди артмишра шула.

Аллагъдихъ хъугъбакан улхури гъахъиш, гъамцибра аьгъяди ккунду: ухъхъан гъаму жилиин, гъаму дюньяийи Аллагъ ﷻ рябкъюз шулдархъухъан, хъа амма ухъуз Думу женнетдиъ рябкъиди. Дугъаз яшамийш шлу саб йишв адар, ухъхъан Думу гъамушвахъ хъа клури пуз шулдархъухъан. Думу я жилиин алдар, ясана завуъ адар. Дугъаз я эвел ясана аьхир адар. Думу гъич сабдихъра мюгътаж вуйир дар. Думу Чав халкъ гъапдариз ушар вуйир дар.

Аллагъу Тааьлайиз вари рябкъюру, вари ебхъуру, варибдикан аьгъя, Чаз ккун гъабхъиш, Дугъхъан фукла дарубдиканра вари ляхнар аплуз шулу.

Аллагъу Тааьлайи инсандихъан яратмиш аплуз даршлуб, амма анжагъ Чаз хас вуйиб яратмиш (халкъ) аплуру. Дурариз Аллагъу Тааьлайиз хас вуйи лишнар клуру. Аллагъдиз ﷻ хас вуйи гъадму лишнар йирхъуб ву. Дурар кѳваинди гъит:

1. Аллагъ ﷻ а.
2. Аллагъдиз ﷻ улихъна вуйидар адар.
3. Аллагъдиз ﷻ аьхир айиб дар.
4. Аллагъ ﷻ Сар ву.
5. Аллагъ ﷻ Чав халкъ гъапдариз ушар вуйир дар.
6. Думу гъич сабдихъра мюгътаж вуйир дар.

Аллагъ ﷻ айивалин лишнар кѳваин аплин.
Дурар миржиб ву:

1. Аллагъ ﷻ яшамийш шула.
2. Аллагъдиз ﷻ варибдикан аьгъя.
3. Аллагъдиз ﷻ вари ебхъура.
4. Аллагъдиз ﷻ вари рябкъюра.
5. Дюньяийи айиб вари Гъадугъан амриз мютлюгъ ву.
6. Аллагъдихъан ﷻ вари аплуз шулу.
7. Дугъхъан Чаз ккунибси улхуз (пуз) шулу.
8. Аллагъди ﷻ гъич фукла дарубдикан вари яратмиш аплуру.

ГЪЯДИС

МУНАФИКЪДИЗ ШУБУБ ЛИШАН А: ДУГЪУ КУЧЛАР АПИУРУ, ЙИКЪРАР ТАМАМ АПИУРДАР ВА ГЪАПИУ ИХТИБАРВАЛ КИУЛИЗ АДАБГЪУРДАР

АССАЛАМ – УЧВУЗ ИСЛЯГЪВАЛ ИБШРИ!

Исламдин гъуллугънаъ ади 15 йис

1 « Хъа Аллагу Тааълайи улупу рьякъ Мугъяммад Пайгъамбари ﷺ, ихъ устазари, алимари дюзди ва дигиш'ваалар дарапди килули гъубхну ва ухъуьна хъубкьну. Ухъу мусурманар вуйивализ лигну Аллагъдиз ﷻ шюкюр ибшри!

2009- пи йис ихъ газатдиз адлуб ву, фицики урус чалнининди адабгъурайи «Ассалам» газатдин 15 йисандин юбилейин йис ву. 15 йис Исламдин хайирназ вуйи рьякъюъ ади!

Газат думу урхру ихъ мусурман гъардшариз ва чйириз бегенмиш дубхънайивалиин умудлу хъуз шулу. Думу хайлин хизанариъ айидариз гъюрматлу хялижв дубхъна.

Газат адабгъуз хъюгъханмина гъидин йигъазкъан «Ас-Салам» газатдиз чан улихъ дивнайи асас вазифа бегъем марццивалиинди Ислам тарабгъувал вуди рьякъюра. Гъарсаб макъалайиъ дидин авторари Аллагъдин ﷻ диндин жюрбежюр терефар улупуз ва Аллагу Тааълайин гаф чан гъардшарихъна ва чйирихъна рубкъуз чалишмиш шула. Хъа гъадму вазифа учу фици килулиз адабгъураш, учвуз ужуди аьгъячвуз, гъюрматлу урхурайидар.

Аьхиримжи йисари «Ас-Салам» газатди чан биклбан терефар яркъу дапна. Эгер газат адабгъуз хъюгъю сифтейин йигъари дидин гъякънаан анжагъ дагъустанлуйиризтлан

аьгъдайиш, хъа гъамус учу Урусатдин жюрбежюр йишвариан кагъзар гъадагъури шулча. Гъаци вуйивали ич газат урхурайивал, думу ккунивал ва дидиз ккилигурайивал субут аплура.

«Ас-Салам» газатдин редакцияин вари коллективди думу урхурдариз дидин ляхниъ иштирак шулайивализ лигну чухсагъул мялум аплура ва цийиклултлан тлалабар хъади учухъна илтликлувал ккун аплурача. Февралихъантина адабгъуру «Ас-Салам» газатдиъ «Ас-Саламдин 15 йис» килуру рубрика ачмиш аплбанди вуча.

Гъадушваъ учву ич ляхниз туврайи кьиматнакан, гележегдиъ газатдин ляхинужуапбазвуйичвтеклифарикан вуйи кагъзар чап аплдича. Гъаддиз ичв кагъзихъди сатлиди ичв шикилра ипай, учву фу ляхнин эйсйир вуш, наан яшаммиш шулаш улупбарра кагъзихъди хъадаай. Иншааллагъ, думу жюрейин кагъаз цийи рубрикайиккди чап аплдича. Ичв жанлу иштираквализ ккилигурача.

Гъит Аллагу Тааълайи ухъуз кюмек туври ва ухъу гъякълу рьякъюин алаъри. Амин!

Мюгъкам дин, сагъвал, кьюред дюнйирьяра хушбахтвал ккун аплурайир редактор Муслимат БАКАНОВА

АБГЪЯДИ УЖУ ВУ

Исламдин къанунар

Мугъяммад Пайгъамбари ﷺ чан рьякъ хъаплрайидариз улупури гъахьи сакъюдар къанунарикан сакъюдарихъди учву таниш аплурача. Магъа дурар:

– яв хъял аьгъ аплин, хъасин яв диндин гъардшиз багъишламиш аплин. Яраб увузра жарадари багъишламиш дапну (хил алдабгъну) ккундаривуз?

– Сари сарихъна вуйи даккнивал улупрудар махъанай, сари сариина бахилвал мапнанай ва хъял макапнанай.

– Сари тмунурилан улхруган, жини улхбарихъ хъпехъури вердиш махъанай, жарадарин ихтибарвализ кучлар мапнанай;

– Жвуван дустракан гъадугъан къяляхъ муулханай;

– Учвухъ гъилиху касдиз рубкъру гъякъи, дугъан къяллан амкI ебццайиз улихъна, тувай;

– Пиян аплу жюрейин шмишнар мухъанай, аьшкъламиш аплу тамшйир мапнанай – дурар Жегъеннедин къапйирихъна вуйи рьякъ ву;

– Тлафалвал мапнанай;

– Чарасуз вуйи ксариз бурж вуди туву пуликан учвуз хайир кадмабгъанай;

– Дюз дару гъяракатариъ иштирак махъанай ва ичв тахсиркарвал ашкар гъабхъиган учвуз нач шлу ляхнар мапнанай;

– Дустарин зяйиф терефар жарадариз ашкар мапнанай. Дурари деету гъалатлар ккеркай, эгер учвуз Аллагу Тааълайи ичвдар ккерккундуш;

– Къанундинди учвуз лайикълу дару ужувлар гъадагъуб метлебниинди руш'ватар мутуванай;

– Гъяйванатарихъна инсафсузвал мапнанай;

– Швумал гъахъирин юкIв архаин аплинай, гашлу касдиз уьл тувай, язухъвалиъ айирин гъяйифвалар зигай ва зарарнаъ ахънайи касдиз дубхънайи гиранвал арайиан адабгъай.

Ибрагъим пайгъамбарин насигъятар

Ибрагъим пайгъамбар (аьлейгъи салам) гъадмукъан аьху ва адлу кас вуди гъахъну, гъеле гъамцира пуз шулу, фицики дугъан ужувлан ляхнар ва хайирлу теклифар къабул дараплу миллетар гъичра адаршул.

Дугъан сакъюдар теклифарихъди - насигъятарихъди таниш йихъай:

– Инсанар гъаму дюнъайин ляхнар килули гъахъбин машгъл духънади учвуз гъяркъган, учву Ахиратдин йигъаз вуйи ляхнар гъахъбин машгъл йихъай;


– дурар чпин члат терефар балгъбин машгъл духънайиган, учву ичв юкIвар балгай;

– дурар чпин бахчйириз ва хулариз - чIвурдариз хъайивал аплбиин машгъл духънайиган, учву накъвариз (никъариз) хъайивал аплинай ва учвуз гъадрар тикмиш аплинай.

– инсанар жарадарин гъалатлар агъбин машгъл духънайиган, учву ичв хусуси гъалатлар агай.

СУАЛАРИ ЖАВАБАР ТЛАБА АПИУРА

Ичв суалариз жавабар туврайир ДУМД – дин экспертвалин Советдин гъуллугъчи Мугъяммад – гъяжи Мягъямедов ву.



Ас-Салам фото

– Йиз халуйи зияратдиз гъягъювал гунагънан ляхин вуди гъисаб аплуру Аллагъдикан ﷻ чаз ккуниб гирами агъалирикан ваъ, хъа хулаъ ккун дапну ккунду, клура. Гъаврикк ккаайчва, гирами йишвариз гъушу вахтна фу дупну ккунду?

– Ичв халу гъякълу дар. Зияратариз гъягъювал му лапра метлебул сунна ву. Пайгъамбари ﷺ гъапну: «Узумуганайиз учвуз накъварихъна (никъарихъна) гъягъювал къадагъа гъаплинйиза, хъа гъамус учву накъварихъна гъарахай. Гъаци аплували учву гъаму дюнъайин гъайгъушнарехъан ярхла аплди ва учвуз Ахиратдикан кIваин хъиди».

Аллагъдикан ﷻ фунуб йишваъ вушра тлалаб аплуз шулу, неинки саб хулаъ. Шариатдиъ гъадму жюрейин къадагъавалар адар. Анжагъ тарихнакан аьгъдру вижнасуз касдитлан гъамци тасдикъ дараплу: «Гирами инсанарикан тлалаб дапну ккундар», клури. Тарихнаъ гъаци аплуз хай шлувалин гизаф къадар тасдикъвалар ади гъахъну.

Эгер думу зиярат вуш, яни накъвар (никъар), думуган гъийихдариз салам тувну ккунду, хъасин саб ражну «Аль-Фатигъа» сура урхурхъа, хъасин «аль-Ихлас» сура, хъасин «аль Фалакъ» сура ва «ан-Нас» сура (са-саб ражну) урхурхъа, хъасин Пайгъамбариз ﷻ салават урхурхъа ва дюаъра аплурхъа.

– Жвуваз айи аьгъювалариз асас духъну узу зияратариъ дюъйир урхури шулдарза ва жарадаризра гъаци аплувал теклиф аплури шулза. Узу гъякълу вуйин?

– Сабпиб, уву гъякълу дарва, фицики увуз айи дюз дару аьгъювалариин асасламиш шулава, къюбпиб, уву увузра аьгъдру ляхин жарадаризра гъаци аплуз теклиф аплурайивалра дюзиб дарив. Гъарсабдикан аьгъю йишвар тйин аплури шулу, Дугъу вахт - вахтарик гъадрарин дюъйириз жаваб тувру, гирами йишвариз вуйи зияратар ва ужудар инсанарин накъвар (никъар) гъацдарикан вуди гъисаб аплуз шулу. Гъаци вуйиган зияратариъ дюъйир урхувал ужуб ляхин ву.

– Гъудган аплу касдиз ялхъван аплуз хай шулин? Эгер хай шулдарш, гъаз хай шулдарш гъаврикк ккаай.

Гъаз мусурман касдиз шадвал аплуз (аьшкъламиш хъуз) ярамиш шулдар?

– Шариатдиъ ялхъван аплуз ихтияр тувра, эгер гъамцдар шартлар килулиз адагъури гъахъиш:

– ялхъван аплруган вуйи музыка шариатди къабул дапнайи музыкайин алатарин тамам аплурайиб вуш;

– жилари ва дишагълийири жа-жаради ялхъван аплури ккунду; хпириз ва жилириз сатлиди ялхъван аплуз хай шулу;

– ялхъван инсандин лайикълувал (эдеблувал) искан аплу жюрейинуб дубхъну ккундар.

– Алимарихъан, муфтийирихъан, исламдин адлу телеведущийирихъан автограф гъадабгъуз хай шулин?

– Гъаци аплувал герек дар, гъаз гъапиш гъаци аплбан метлебувал адар.

Фу дапну ккунду, фицики жвуван жилир вагъабист ву ва чан хпириз вирд гъадабгъуз ихтияр тувурдар? (жилириз гъягъруган дугъаз думу вагъабист вуйиваликан аьгъдайи).

– Хпири гъадугъхан жиниди вирд гъадабгъну ккунду. Шлихъ – вуш хъпехъбиинди ухъу Халкъ Гъаплурихъ хъпрехъувал дюзиб дар.

Эгер жиггил бали гъидитнайи дишагъли чаз хпирди гъадагъуруш, дугъаз гъаддин гунагъ айин?

– Гъаци гъаплину клури гъич саб жюрейин гунагъ шулдар.

АГЪЮВАЛАР АЙИДАР ПАЙГЪАМБРАРИН ИРС ХЪАПИРАЙИДАР ВУ

ГЪЯДИС

ГАЗАТ УРХРУДАРИ ГЪЕРХРА

Гъудгнар сатли ва жикъи апбан гъякънаан

Редакцияин терефнаан: «Ассалам» газатдин ккудубшу йисандин декабрин вазлин нумрайиъ учу ярхла рякъюз гъушган гъудгнар апбан къайдайикан гъерхрайи суалназ туву жаваб чап гъапнийча. Дюз гъапиш, гъадму жаваб бегъемди гъавриъ шлу саягъниинди албагуз гъабхъундайи, гъаддиз газат урхру мусурман чвийрииз ва чйирииз гъаму темайиан яркъуди агъю аплуз агъювал фикирназ гъадабгъну, учу багъри табасаран члалниинди удубчлвурайи «Ассалам» газатдин редколлегияйин член, ДагъОгни шагърин мистан имам Мугъяммад - Рамазан Ражабовдикан гъаму темайиан яркъуди ктибтуб ккун гъапунча. Дугъу ахю разивалиинди ич тлалаб тамам аплура. Гъит ухъуз гъарсариз Къудратлу Аллагъди анжагъ ужувлан ляхнар клулиз адагъуз амур апри! Амин!



Ас-Салам фото

Гъюрматлу мусурман чвийр ва чйир! Хайлин мусурман ксари рякъюъди гъушган гъудган апбан къайда (гъюкум) фициб шулуш узхъанра гъерхри шулу. Гъаддиз ихъ багъри газатдин гъаму машнаъ гъаддикан улхидиза.

Ярхла рякъюъди (83 километр манзилнаъ сефеериъ айи) касдиз ихъ динди гъамциб ихтияр тувра: лисундин, гъарквандин ва хъитирхвандин гъудгнар къаср аплуз (жикъи аплуз)- юкъуб ракаатдин гъудгнар къюб ракаатдиз.

Эгер чан хулаъ имиди ккудучлву гъудгнар сефеериъ имиди къаза аплуз ккундуш, думу гъудган жикъи даплну къюб ракаатдиз къаза аплуз шулдар. Хъа эгер чан сефеериъ ади ккудубчлву 4 ракаатдин гъудган сефеериъ имиди къаза аплуруш, думу къюб ракаатдин къаза аплуз шулу. Хъа сефеериъ айи касдиз гъудган сатли (жамъ) аплуз ккундуш, дугъаз къюб жорейиинди дурар сатли аплуз ихтияр а: саб клуруб, лисундин гъудгнихъна гъарквандин гъудган дубхну, гъадму лисундин вахтна къюредра аплуз шулу, ясана лисундин гъудган чан вахтна дараплди гъарквандин гъудгнихъна гъабхуз шулу. Гъациб саягъниинди

лавландинна хъитирхвандин гъудгнарин гъюкум шулу.

Сефеериъ (рякъюъ) айи касдиз дидланна гъайри сабсана рягъятвал а - думу гъаму гъудгнар сабишвйинди жамъра, къасра аплуз шулу, амма лавландин гъудган жикъи (къаср) аплуз шулдар. Сефеериъ айирииз гъамциб рягъятвал ишлетмиш аплуз ккундуш, гъацир касдиз гъамцдар шартларра агъяди ккунду:

1. Сефер 83 километртан зина манзилнаъ вуди ккуниб.

2. Сефер гъарам ляхнариз вуйиб дубхъну ккундар, думу гъалал вуйи ляхнариз вуди ккунду ва туристси, ялгъуз шагърариз лигуз клури гъушнуш, дугъаз му гъюкум ишлетмиш аплуз ихтияр адар.

3. Думу гъудгнар жикъи ясана сатли апбан бадали думу кас чан гъулан йишвъан удучлвну ади духъну ккунду. Эгер гъулан хъарариъ ясана гъулан гъирагъдиъ имиди гъахънуш, дугъаз думу гъюкум ишлетмиш аплуз ихтияр адар.

4. Хульан удучлвруган жвуван ватандиз хъадакнугъюз ният ади ккунду шубуд йигълан, миндина тинди гъюру йигъар ктарди. Гъацира, эгер дугъан ният гъамциб вуди, амма чан гъуллугъ тамам даршули, гъизакур тамам хъибди клури ккилигури йигъар гъягъюруш, думу касдихъан 18 йигъазкъан гъаму гъюкум чаз ишлетмиш аплуз шулу.

Эгер думу касдин гъягъюрайи йишв думу касди чаз ватан ва бина вуди удучлвну гъягъюруш, думуган гъацир касди-

сефеериъ айи касдиз гъарквандин гъудган лисундин гъудгнихъна хуруш. Таъхир гъаддиз клуру, эгер сефеериъ айи касдиз лисундин гъудган дараплди гъарквандин гъудгнихъна гъабхуруш. Гъудган жамъ- такъдим апбан бадали думу касдиз гъаму юкъуб шартли агъяди ккунду:

1. Сабпи ражну лисундин гъудган аплуб, хъасин салам тувбалан къяляхъ къамат тувну гъарквандин гъудган аплуб. Гъамциб гъюкум хъитирхвандинна лавландин гъудгнаривра вуйи.

2. Гъадму гъудгнар аплруган жамъ (сатли) аплуз клури ният аплуб.

3. Жамъ (сатлиди) аплурайи гъудгнарин арайиъ айи вахт къюб ракаатдин гъугнин артухъ дархъуб.

4. Сатлиди аплурайи гъудгнарин къюбпи гъудгник кучлвбаз вуйи такбиратулигърам (Аллагъу акбар!) ккудубклайиз гъадму кас сефеериъ гъузуб.

Мисал: эгер сефеериъ айи кас пароходдиъ ади лисундинна гъарквандин гъудгнар сатлиди аплуруш, лисундин гъудган апбан къяляхъ гъарквандин гъудган ккебгъуз вуйи «Аллагъу

акбар» клуру вахтна думу кас сефеериъ гъузуб. Эгер лисундин гъудган апбан къяляхъ гъарквандин гъудгник кучлвру «Аллагъу акбар!» пайиз яв пароход яв шагъриз гъафиш, думуган жамъ аплувал батил шулу.

Гъарквандин гъудгнин вахт улубкъган, чан гъулан агъгалийиси юкъуб ракаатдин гъарквандин гъудган аплуру.

Гъудган жамъ таъхир апбан шартлар. «Таъхир» клуру гафнан мяна къяляхъна гъабхуз вуйи. Мисал: эгер лисундин гъудгнин вахт улубкъбан къяляхъ увуз думу гъудган аплуз мажал адарш, уву думу гъарквандин гъудгнихъна гъабхуз ният апбаз ва гъази тамам апбаз клуру. Лавландинна хъитирхвандин гъудгнарра гъамдиз ухшар вуйи. Жамъ таъхир апбаз гъамцдар шартлар а:

1. Сабпи гъудгнин вахт гъябгъийиз ният аплувал, гъаму гъудган тмунуб гъудгнихъна сатли аплуз.

2. Къюбпи гъудган тамам аплуйиз думу кас сефеериъ гъузуб. Эгер къюбпи гъудган аплуйиз сефеериъ гъудрузиш, сабпи гъудган къазайиз гъябгъюру.

Рузнама

март

Дни	Утренний	Восход	Обеденный	Послеобеденный	Вечерний	Ночной
1	4.47	6.28	12.00	15.06	17.40	19.05
2	4.46	6.26	12.00	15.07	17.41	19.06
4	4.43	6.20	12.00	15.09	17.44	19.09
6	4.39	6.17	12.00	15.10	17.46	19.11
8	4.36	6.15	12.00	15.12	17.49	19.13
10	4.32	6.10	12.00	15.13	17.52	19.16
12	4.29	6.08	12.00	15.15	17.54	19.18
14	4.24	6.05	12.00	15.16	17.56	19.21
16	4.21	6.02	12.00	15.18	17.59	19.24
18	4.18	5.59	12.00	15.19	18.01	19.26
20	4.15	5.56	12.00	15.21	18.03	19.29
22	4.11	5.52	12.00	15.22	18.06	19.31
24	4.07	5.48	12.00	15.22	18.08	19.33
26	4.03	5.43	12.00	15.24	18.11	19.36
28	3.59	5.41	12.00	15.25	18.13	19.38
30	3.54	5.37	12.00	15.25	18.15	19.40

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД Ахмад-хаджи АБДУЛАЕВ

заместитель муфтия РД Махди-хаджи МУТАИЛОВ
Мухаммад-Рамазан РАДЖАБОВ

Редактор
Пирмагомед КАСИМОВ

Канонический редактор
Мухаммад-Рамазан РАДЖАБОВ

Художник
Саид САИДОВ

Компьютерная группа
Асият ХАНОВА
Ахмед МАГОМЕДОВ

Менеджер
Мухаммад ХИРИЯСУЛАЕВ

При перепечатке ссылка обязательна.
Набрано и сверстано на компьютерной базе газеты «Ас-Салам».

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).
Свидетельство о регистрации ПИ № ФС 10-6401 от 15 декабря 2006 г.
Индекс 51325
Отпечатано в ООО «Дом печати» по адресу: пр-т Акушинского, 20. Заказ № _____

Сдано в печать 10 февраля 2009 г.
Тираж 1 000 экз.

Адрес редакции
367015, РД, г. Махачкала, ул. М. Ярагского, 128.

Тел.: (8722) 61-00-64.

По вопросам подписки и доставки обращаться по телефонам:

по Республике Дагестан — 8-988-699-28-24 по г. Махачкале — (8722) 914-222.

E-mail: info@assalam.ru; www.assalam.ru